



## Aningaasanut Naalakkersuisoq

### **Aningaasaqarnermut Ataatsimiititaliap suliaq nr. 01.31.06/09-00414 pillugu tallimanngornermi ulloq 19. juni 2009-mi aalajangiineranik Naalakkersuisunut ilisimatitsineq.**

#### **Nunaoil A/S-imi naalagaaffiup aktiaataasa pisiarinissaat**

Naalakkersuisut inassutigaat,

- Kontomi pingaarnermi 10.13.11-imi, Aktianik piginneqatigiiffinnut aningaasatigut aningaasartuutitut tunngasumi, aningaasaliissutit 20.979.000 kr.-inik amerlineqassasut, takuuk ilanngussaq 1-imi tapiissutitut aningaasaliissutissanut missingersuutit immikkoortiterneri ilanngunneqartoq.
- IST-p inernerisassaatus missingersuutigineqartut 2009-mi 20.979.000 kr.-inik appartinneqassasut.

#### **Aningaasaqarnermut Ataatsimiititaliap oqaaseqaatai**

Naalagaaffiup Nunaoil A/S-imi aktiaataasa pisiarinissaannut 20,97 mio. kr.-inik ilassutitut aningaasaliissuteqarnissaq Naalakkersuisut suliami matumani qinnutigaat. Aktiat taakku pisiarineqarnissaat Namminersorneq pillugu inatsimmut nalinginnaasumik nassuiaatini immikkoortoq 5.3.5.3-mi tunngavissaatinneqarpoq.

Aktiat pisiarinerisigut Nunaoil A/S-imi piginnittuuneq tamakkiisoq Kalaallit Nunaannit tiguneqassaaq. Taamaalillunilu piginnittuunermut atatillugu aningaasartuutit siunissami Kalaallit Nunaata kisimi nammattassavai.

Nunaoil A/S-imut ukiumoortumik katillugu 12 mio. kr.-inik aningaasaliissuteqarnissaq manna tikillugu missingersuutigineqartarpoq, taakku affaat Naalagaaffimmit manna tikillugu akilerneqartarlutik. Ingerlatseqatigiiffiup tamakkiisumik pigineqalerneratigut ukiumoortumik aningaasartuutissaq taanna siunissami Kalaallit Nunaata kisimiilluni nammatassarilissavaa. Taamaattumik piginnittuunerup tigueneratigut nunatta karsia missingersuutigineqanngitsunik ukiumut 6 mio. kr.-inik aningaasartuuteqarnerulissaaq.

Nunaoilimi Naalagaaffiup aktiaataasa pisiarineqarneranni aningaasartuutit taamatullu tamatuma nassatarisaanik ukiumoortumik nunatta karsiata aningaasartuutiginerusassai 2009-mi aningaasanut inatsimmi sillimmatitut kontomi immikkoortinneqareersimasariaqaraluarnerat Aningaasaqarnermut Ataatsimiititaliamit oqaatiginngitsoorumaneqanngilaq. Aningaasanut inatsimmik suliarinninnermi pisariaqartumik malinnaanissamik Naalakkersuisut qulakkeerinninnermikkut missingersuusiornermut inatsimmi aalajangersakkat naapertorlugit aningaasartuutit siumut naatsorsuutigineqareersinnaasut tamaasa aningaasanut inatsimmut ilanngullugit missingersuusiortarnissaq Naalakkersuisut qulakkiissagaat ataatsimiititaliamit

naatsorsuutigineqarpoq.

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Akitsinnguaq Olsen  
Aningaasaqarnermut Ataatsimiititaliap siulittaasua